



Inatsisartuni ilaasortaq  
Kim Kielsen, Siumut  
/Maani

## Upalungaarsimanermi sulisut pillugit § 36, imm. 1 naapertorlugu apeqqut nr. 2010-187-imut akissut

Asasara Kim Kielsen

Qatserisartut upalungaarsimanermi sillimasuunertik pissutigalugu soraarsitaanissamik siorasaarneqartarnerat Naalakkersuisut qanoq iliuuseqarfigniarneraat pillugu apeqqutinnut Kalaallit Nunaanni Qatserisartut Peqatigiiffianit aallarnerneqartumut qjanaq.

Qatserisartuq Namminersorlutik Oqartussat suliffeqarfiutaasa ilaanni atorfeqartoq kalerrisaarisuqarnerani ornigutissaguni soraarsitaanissamik oqaasiinnaat atorlugit siorasaarneqarsimasuq matumani pineqartoq, Kalaallit Nunaanni Qatserisartut Peqatigiiffianit saaffiginnissummi takuneqarsinnaavoq.

Taamaattumik erseqqissaatigissavara akissummi matumani atorfeqartitaanerit ataasiakkaat pineqanngimmata, kisiannili qatserisartut suliffeqarfinni atorfeqarnerat ataatsimut isigalugu pineqarlutik.

Aallarniutigalugu erseqqissaatigissavara inuiaqatigiit ingerlalluurtunik ikuallattuulernissamut upalungaarsimasuqartussaannerat qularineqassanngimmat.

Inuussutissarsiornermi suliffiit ilaanni inuussutissarsiut ingerlanneqartoq pingaarneq kalerrisaarisuqartillugu ornigullu qimanneqarsinnaasannigilaq. Arlallit akornanni ilaatigut peqqinnissaqarfimmi sulisut aammalu inuiaqatigiinnik ingerlatsillutik pigaartuusarlutik sulisut taasinnaavakka.

Paarlattuanik inuussutissarsiornermi atorfiit amerlasuut kalerrisaarisuqartillugu ornigulluni qimanneqarsinnaasarput.

Taamaattumik atorfinitsitsineri qatserisartuq sulisitsisorlu atorfinitsitsisuusoq aalajangiisussaapput. Uppernarsaammik atsiorneqarsimasunik suliaqartoqarneratigut sulisitsisup qatserisartup piffissap ilaannaani qatserisartuunissaanut tapersersuina erseqqissarneqarsinnaavoq.

Suliniutinik suliffeqarfimmi qatserisartumik piffissap ilaannaani sulisartumik atorfeqartitsisarnermik paasititsiniaanissamik siunertaqarfiusunik pilersaaruteqartoqartoq ilisimavara. Tassami qatserisartumik atorfeqartitaqartarneq akornutaaginnarneq ajorpoq.

Suliffeqarfimmi upalungaarsimanermut piginnaanillinnik atorfeqartitsisarneq aamma iluaqutissartaqarpoq. Uku assersuutitut taaneqarsinnaapput:

- Suliaminik ilisimaarinnilluni innermik qamitsisinnaasumik qanitaqarneq

12. oktober 2010  
Sagsnr. 2010-039042  
Dok. Nr. 479875

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: [iaan@nаноq.gl](mailto:iaan@nаноq.gl)  
[www.nаноq.gl](http://www.nаноq.gl)

- Ikiueqqaarsinnaasoq
- Putsumut isertartutut ilinniarsimasoq
- Isumannaallisaanermi sinniisussatut naleqquttoq
- Ajortoortoqartillugu inuk suliffeqarfimmi pissutsinik immikkut ilisimasalik

Suliatigut pisinnaasanik ineriartortitsinerup saniatigut suliassaqarfinni assersuutigalugu ukunani inuttut ineriartortitsisoqartarpoq:

- Suleqatigiinneq suleqateqarlunilu sulisinnaaneq
- Sulianik ataatsikkut amerlasuunik aallutaqarneq
- Paasisimaarinnissinnaaneq
- Ulorianarsinnaasunut eqqumasinnaaneq
- Iliuuseqarsinnaaneq
- Puullaaqisoqartillugu sulisinnaaneq
- Aalajangiisinnaaneq

Namminersorlutik Oqartussani qatserisartoqarfinnut nakkutilliisoq Qaasuitsup Kommuni-  
niani upalungaarsimanermut pisortaq peqatigalugu inuussutissarsiornermi qatserisartu-  
nik atorfeqartitsisarnerup ilisimaneqarnerata siaruartiterneqarnerani suleqataassaaq.

Neriuppunga matumuunakkut qatserisartutut piffissap ilaani sulisartumik atorfeqartita-  
qarnermi eqqarsaatigisassat assigiinngitsut nassuiarsimassallugit, aammalu qatserisar-  
tut ataasiakkaat eqqarsaatigalugit aaqqiissutissanik illuatungeriinnut naammaginartunik  
nassaartoqarsinnaassasoq naatsorsuutigaara.

Inussiarnersumik inuulluaqqusillunga

Jens B. Frederiksen